

Ола-выла Коми муын...

Ола-выла Коми муын

Кыпыд гажа олан руөн.

Таво ветла на ме бара

Муса карö Сыктивкарö.

Видзöдысьлөн серам петö,

Сьöлöм радлö быдöнлөн.

Дона ёртъяс, быдөн ветлöй

Видзöдлыны на вылö!

Миян карын уна гаж!

Нинöм абу сэнi важ:

Степан изэрд, Киров парк,

Югыд Вичко и театр.

А театрыс абу öти:

Шылад, Драма да Балет.

Абу жугыль меным ньöти!

Босьта кассаысь билет.

Сьöлöм вылö меным воö

Виттор Савинлөн театр.

Сöмын кад мед менам лоö -

Сэтчö ветлыны пыр рад.

Меным ставыс танi муса

Коми сёрни, оласног.

Кодкö шуас: "Кывйыс кусö!"

Вочавидза: "Некор оз!"

Со вот петö сцена вылö

Макар Васька - сиктса зон,

Беддя Коля, Бёрдысь Марпа.

Коми кыв он вунöд, он!